



Broj: 01-05-19784/17 KM
Sarajevo, 20.07.2017. god.

SKUPŠTINA KANTONA SARAJEVO SARAJEVO

PREDMET: „Poslanička pitanje“

U prilogu dopisa dostavljamo Vam odgovor na poslaničko pitanje postavljeno na 30. Radnoj sjednici Skupštine Kantona Sarajevo održanoj dana 24.05.2017. godine, od strane zastupnika Edin Forto.

Pitanje:

„Svakodnevno svjedočimo jednoj praksi u javnom gradskom prijevozniku Gras, koja nije povezana sa nedostatkom finansijskih sredstava, već je posljedica odnosa tog preduzeća prema svojim korisnicima. Neki od doniranih autobusa nisu nikako označeni, pa je jedina identifikacija komad plastike, kartona ili papira u formati A4, zalijepljenom neposredno ispred vozača. Da se radi o međugradskim ili međunarodnim linijama, to bi bilo prihvatljivo, ali u gradskom prijevozu je neprihvatljivo.

Tako na displejima iznad vozača, na stražnjem dijelu ili sa strane autobusa stoje nazivi, poput „Diestfahrt“, što na njemačkom znači „službeno vozilo“, dok na ženevskim autobusima piše „jonction“, a na turskim, naravno, „Bayrampasa“.

Posljedica neoznačenih vozila je ta da korisnici, a to su često penzioneri, lome vratove da prestignu autobus, često pretrčavajući ulice, jer ne postoji način da se sa normalne udaljenosti identificira linija na kojoj autobus vozi. Ako korisnik promaši vožnju, jasno je da to znači 30, 40 ili 60 minuta čekanja. Ne treba posebno napominjati da su privatna vozila, koja obavljaju jedan dio gradskih vožnji skoro uvijek uredno označena.“

Odgovor :

Članom 27. Zakona o cestovnom prijevozu Federacije Bosne i Hercegovine (Službene novine Federacije BiH broj 28/06 i 2/10) propisane su obaveze prijevoznika o isticanju oznake za označavanje relacije kretanja vozila.

Poslove inspeksijskog nadzora obavljaju federalni i kantonalni inspektori cestovnog prometa.

Članom 97. Stav (6) i članom 101. stav (3) Zakona o cestovnom prijevozu Federacije Bosne i Hercegovine propisane su kazne za vršenje prijevoza lica u linijskom prijevozu bez oznake za označavanje relacije kretanja vozila.

Članovima 27. i 28. Pravilnika o uslovima, načinu i specifičnosti organizacije obavljanja javnog linijskog prijevoza putnika u Kantonu Sarajevo („Službene novine Kantona Sarajevo“ broj



28/09) propisane su obaveze prijevoznika o „isticanju oznaka i posebnih oznaka“ u i na vozilu pa i o načinu označavanja i relacije kretanja vozila kao i označavanje vozila kojim se obavlja probna vožnja, obuka, ako je vozilo u kvaru i sl..

Ministarstvo saobraćaja Kantona Sarajevo je dopisom broj: 01-05-19784/17 KM od 08.06. 2017. godine „Nalažilo prijevozniku KJKP „GRAS“ d.o.o. Sarajevo da postupa u skladu sa članom 27. Zakona o cestovnom prijevozu Federacije Bosne i Hercegovine (Službene novine Federacije BiH broj 28/06 i 2/10) i čl. 27. i 28. Pravilnika o uslovima, načinu i specifičnosti organizacije obavljanja javnog linijskog prijevoza putnika u Kantonu Sarajevo („Službene novine Kantona Sarajevo“ broj 28/09) i označi vozila kojim se obavlja javni linijski prijevoz putnika oznakama koje vozilo mora imati, a kojima se označava relacija kretanja vozila.“

S poštovanjem,

Dostaviti:

- Skupština Kantona Sarajevo
- evidencija
- arhiva

MINISTAR

Dr.sc Mujo Fišo

Predmet obradio: Muamer Kukan



web: <http://ms.ks.gov.ba>
e-mail: ms@ms.ks.gov.ba
Tel: + 387 (0) 33 562-058, + 387 (0) 33 562-059
Sarajevo, Reisa Džemaludina Čauševića 1

